

27.09.2019

UKA2019/24

Uunga siunnersuut: Aatsitassat pillugit ingerlatallu tamatumunnga pingaarutillit pillugit Inatsisartut inatsisaata (aatsitassanut ikummatissanullu inatsit) allanngortinneqarnissaa pillugu Inatsisartut inatsisaat nr. xx, xx. xxxx 2019-imeersoq
(Aatsitassanut Suliffeqarnermullu Naalakkersuisoq)

(Piiaanissamut Akuersissummik pissarsinissamut tunngavissarititaasunut piumasaqaatit allanngortinneqarnerat aamma sumiiffiit piiaanissamut akuersissummi pineqartunut ilaasut illersorneqarnissaat) pillugit (aatsitassanut ikummatissanullu Inatsit) pioreersoq nalimmassarniarneqartoq Siumumiit imaatunik oqaaseqarfigissavarput.

Aatsitassarsiornermi aallartinniarnert, misissuinerit aammalu piaasinnaanert pillugit Inatsimmik pioreersumik piuminarsaanertut Nunarsuarmioqataanitsinnullu naleqqussaanertut aammalu eqqaalisaanertut una Inatsimmik pioreersumik iluarsiiniarnertut Siumumiit isumaqarfigaarput.

Inatsisillu pineqartup isumannaallisaanermut, pinngortitamut, avatangiisinut, uumasunut peqqissutsimullu tunngasortai annerusumik allanngortinneqannginneri aamma maluginiarpagut.

Nunarsuarmioqataanitsinnilu Nunatta aatsitassarsioffittut kajungernartuarnissaa aammalu (Aatsitassanut ikummatissanullu Inatsit)-sitta naleqqussartuarnissaa siunissami avaqqunneqarsinnaangilaq, Nunarput aatsitassarsioffittut ingerlaannassappat.

Tamaattumik Inatsisip pioreersup annikitsumik allanngortinniarneqarneratut nalilerlugu Siumumiit allannguutissatut siunnersuut taparserparput, taamaatorli qulakkeerluarumallugu allannguutissatut siunnersuut ippinnaatissaqarnersoq ataatsimiitsitaliamut susasaqartumut ingerlatinneqarnissaa Siumumiit innersuupparput.

Taamatut naatsumik oqaaseqarfigaarput

Qujanaq

Henrik Fleischer, Siumut